

## 2 Pita

### Olo Iyoswo Tifinjo loso Saimoun Pita Mti'mokumentisofoho. Olo Hungkuno Simo'mjofoho.

Jisas ahwomomne'no nto simentiso sohonta soswo *teti-foua'nji* (34) *teti-et'nji* (38) nto uyakolo'mentiso ajwo sopolikeno olo iyoswo tifinjo loso Saimoun Pita mti'mokumentisofoho. Olo iyoswo loso a'amu simeho hi'ntnnono uyimentohoho somnefoho. Olo iyoswo tifinjo mti'mokinyo hwapngoso olenoho. Oso a'amu Jisasimo inngkunyoko soku sekwo a'amu hwasyo hungkuno'njo sohwanne'no i'waho fiymno. Pita kako ose ulimonto olo iyoswo loso mti'mokumentisofoho. Olo iyoswo loso ntipo humanto mti'mokumentiso so'no malinyofoho. Oso'no nakwo olo iyoswo homo lomo atofolihwasi tifi uningkohwano.

<sup>1</sup> Ngko Saimoun Pita'nyoho. Ngko Jisas Kilaisiye syoho ulohofiyo sohwo'ni kako'ne hungkuno liku'mofo (*apousel*) syoho'njo hwo'nyoho. Jisas Kilais kako yahino wopingo'njo sohwo nakwoe Anituyoho. Kako nakwoe wonyo somjo tohino somta'ni isihutofonemayo'ne hweho. Sekwo soku oso hiso'no upa'nontifi hungkuno homo somo simeho hi'ntnnono nakwo uyalokuhwone hopa uyontifi Anituye hungkunomo aho

yokumpohn'nyo kemokosyohumalofu. Olo hungkuno loso sekumne'no mti'mokalokweno.

<sup>2</sup> Sekwo Anitu'nji nakwoe Hwe Engo Jisasi'ntnne'no sekwo sikuno huhwo huhwi huno engo fitipemapmno. Huno engo tipemapijoso siko sekumo wopingo selohofohosisi sekwoe simeho wopingo engo wasemo'nimontonoho.

*Anitu kako nakwo kakimo ufohi'nyo'ne nah-wosopo'mentisofoho.*

<sup>3</sup> Anituye yokumpohn'nyoso yo'mayo hopi'nono Anituye yahino wopingo somo in'ngkayo'ne nejapmmentisofoho. Nakwo Jisasi'mne'no huno engo tipemehwasi yo'mayo nejapmmentiso so'no huno wonayimontonoho. Jisas huhwo sohwo kakoe yofe engo so'nji kakoe yahino ito'nohino so'nji mayo'ne joho nalimentisofoho.

<sup>4</sup> Kakoe yokumpohn'nyo engo so'nji Anitu kako yo'mayo wopingo wonyoangkafo engo nakwo kakoe hon'ngkano ito'no in'ngkayo'ne wosejapmmo nalimentisoso olohonta kako nakumo nto nejapmmentono. Oso'no olo hwaho lopo yo'mayo wonyo nakwoe simeho nelikafoso nakumo wonyo wonamokumonto yonte somo nakwo Anituye yokumpohn'nyo'nji hwotoho fehwasu nakwo Anituye yahino wopingoso womantanoho.

<sup>5</sup> Oseso nakwo Anituye hon'ngkano ito'nohino in'ngkayo'ne nakwo Anitumo simeho hi'ntnnono uyoso nto'nohinimaho. O'o, nakwo Anitumo simeho hi'ntnnono uyihwasi nakwo hon'ngkano wopingo

imo'nyo'ne syoho yokumpohn'nyo uyano. Oso'nohinoso nto'nohin'i'maho. O'lo, osopo nakwo s'ikuno huhwo huhwi An'itune'no huno engo t'ipemayo'ne huno nto'no syof'isy'hwasi An'itu kako yo'mayo hof'iko ifitne'ento imentiso so'no nakwo huno wonayono.

<sup>6</sup> Nakwo oso'no huno nto'no naihwoso'no osopo nakwoe a'apaho wonyo'ne syof'isyasoso hwotoho wofeeno. Nakwo yo'mayo wonyoso hwotoho monje fesy'hwasi yo'mayo tango ne'mahwoso'no nakwo yokumpohn'nyo wolohofano. Nakwo yokumpohn'nyo lohof'ihwaso'no nakwo An'tuye yahino hopa uyano.

<sup>7</sup> Ose ihwaso'no ou osopo nakwo nom'ne a'amu somo nakwoe a'amu kuyoho ulano. Ose ul'hwasi hofiyo ufo'mano. Hofiyo ufo'mehwasi nakwo s'imeho nehopi unano.

<sup>8</sup> Oso yahino ngko seloheso ne'no m'j'im'hwasi nakwo nakwoe Hwe Engo Jisas Kilaisiye yahinoso nakumo toyo enaof'ihwoso'no yo'mayo syoho nakwo kakine'no yasoso ne umo'n'imontonoho.

<sup>9</sup> An'tuye a'amu ne fihwo kako oso yo'mayo yahino homo somo momaso'njo yoso'manji oso a'amu huhwo sohwo kako t'imp'i'nyo pa'nyo hweho. Oso a'amu t'imp'i'nyo huhwo sohwo kako An'itu kakoe wonyo wae y'im'o'mentiso so'no kako huno muyofoho. Kako in'ingo mofalofoho.

<sup>10</sup> Oseso nje a'amu soku sekwo oso hopa ikutoho. An'itu kako sekune'no johoh selonto kakoe a'amu ne imo'nyo'ne sehwsopo'mentisofoho. Oso yahino ngko

selohe somo mayo'ne syoho yokumpohn'nyo yoho'n'ingkuji a'amu hofi'ko nosehon'ingkuji ole woselanti'feho. Sekwo Anituye a'amu ne kuyoho. Sekwo ose ifijoso mopiwahupitnnehofo.

<sup>11</sup> O'o, sekwo Anituye yahino wop'ingoso nomaf'ikujono oso hon'ingkano Anitumo u'mayo'neso sekune'no hwosompo'naweho. Osopo nakwoe Hwe Engo Jisas Kilais kako nakwoe wonyomne'no poyo imo'n'imentiso sohwo'nji sekwo engolopohamo ne'no nohumaf'ikujiji kako sekumo hofiyo semokosyohumanefoho.

<sup>12</sup> Oseso olo hungkuno loso ngko ne'no seliwo'n'ingkohefoho. Sekwo olo hilo so'no huno ko seyahon'ingki sekwo aho yokumpohn'nyo ko kemokosyohumalofoso ngko apa'no selalokweno.

<sup>13</sup> I ngko olo so'no nimo'n'ingkohoho. Sikuno hopi'nonohino somo ngko olo hwaho lopo songo humahm'mo sekwo huno aku syafisyiyo'ne olo hungkuno hiloso ngko sekumo ne'no waselimonne'no yohono.

<sup>14</sup> Ngko olo so'no huno niyohoho. We'enepi ngko olo hwaho lopo uli'ko'ma'monnoho. Nakwoe Hwe Engo Jisas Kilais kako olo hilo so'no ngkimo huno nto lanifohoto'masofoho.

<sup>15</sup> Oseso ngko apa'no syoho engo yonji sekune'no olo hungkuno hiloso mt'i'mokosesyalokweno. Hwangku ngko poyo pe'nime sohonta sekwo olo hungkuno homo losomo apa'no huno ne'no syafihupitnne'engi mt'i'mokosesyalokweno.

*Nakwo Anitu ye pomponahoso Kɪlaisimo wentaningki uhwonimentihwonefoho.*

<sup>16</sup> Nakwoe Hwe Engo Jisas Kɪlais kakoe yokumpohn'nyo engo so'nji kako asomo pe-e'ne so'ntnne'no noselahoningkuhwoni sekwo nto upa'nimentohofofoho. Oso hungkuno nakwo Kɪlaisimne'no selimentihwone hwapingoso a'mane hungkuno'nji siki hungkuno oso'njo mta'ango'maho. O'o, nakwo Kɪlaisi'nji nohumentani yo'mayo wonyoangkafo imentiso somo timo uhwonimentihwonefoho.

<sup>17-18</sup> Ou, oso hwofiki'nyo sopo nakwo nohumentaningkuhwoni kaningkwohwo Anitu kakoe hwomufe yofeso ho'nimahoningki Jisas kakoe a'apahoso pomponaho lahumentisofoho. Nakwo ahwomo mta'ni Anitu kakoe mampahoso kakoe hwomumo ulahoningki nakwo ole upa'nimentihwoni, Oloso nje hwomufoho. Ngko kakine'no wopingo nimo'nantohofoho. Nje simehoso kakine'no wopingo nimo'nantofoho. Nakwo ose ho'ningkahoningki upa'nimentihwonefoho.

<sup>19</sup> Oseso a'amu Anitu hungkuno uyahoningki limotofo sohwa oso hungkuno hiso hofiko mt'i'mokumentohofoho somo nakwo nupo'nontani nehopi limotofo lontani simeho yokumpohn'nyo uyalokuhwono. I oso'no sekwo hoku hofikoe hungkuno homo somo aho yokumpohn'nyo fikesyohumamno. Hofikoe hungkuno hiso sikwo'mjoho so'mo t'pomponaho hopa losyalofoho. Oso pomponaho hiso ne'no nolosyontaningkuhwosi iyoho walongkonimo lihwosi iyohohwe'nji i'mu si'mofap'wo'ningkiso

uhwon+iwo'n'ingkuhwone hopaso Jisas kako oso i'mu hopa imo'n'ingkuhwosi kako kakoe pomponahoso sekwoe simeho mo'mo lasesyonefoho.

<sup>20</sup> Sekwo olo hilo so'no huno waseyono. Anitu kakoe a'amumo hungkuno uyahon'ingki limotofo sohwa iyoswo mti'mokumentohoho somo nakwo atofu lontani a'amu fihwo nakwo'njo mta'ango sohwo kako oso hungkuno homo somjo neso kakoe huno mta'ni syafisy+hwosi yoloho molijwaofonehoho. Awonoho.

<sup>21</sup> Hohonta hwe fihwo kako ole majofoho. Anitu kakoe hungkuno nomahm'mo a'amumo ulimne'no yohono. Kakoe huno mta'ni ose majofoho. O'o, Anituye Towahuno kako'nohini hofiko hunomo kakoe huno mta'nnohini tipemanto uyahon'ingki a'amu huhwo sohwa hofiko Anituye hungkuno limotofofoho. Huno ose waseyono.

## 2

*A'amu Anituye hungkuno hwasyo liwo'n'ingkohoho sohwafe hwasyo yahino wonyo so'ne hungkunofoho.*

<sup>1</sup> Hohonta a'amu fehohnjoso hofiko a'amu Juta somo Anitumne'no hwasyo hungkuno limotofofoho. Oso hopaso a'amu fehohnjo hwasyo hungkuno'njoso sekwo'njo ajwo so'mta'ni wolikofantifeho. Hofiko sekumo hungkuno ole maselifitnnehofo, Nakwo olo hungkuno selalokuhwone loso kengo mta'angofoho. Ose maselifitnnehofo. O'o, hofiko sekumo ole woselantifeho. Nakwo

olo hungkuno selalokuhwone loso Anituye hungkuno selalokuhwono. Hofiko sekumo ose hwasyo selikuji hofiko Anituye hungkuno so'nji hofikoe huno kengo mta'ango hwasyo so'nji woselantifeho. Sekwo hofikoe hwasyo hungkuno homo somne'no simeho hi'ntnnono uyifijoso oso a'amu hiso sekumo wonyo wosemokantifeho. Jisas Kilais kako hofikoe wonyo somta'ni mpe ko nto ema'mentisoso hofiko kakimo hohujo apa'no ikinjimo'mentohofofoho. Hofiko hohujo ikinjimo'mentohofo so'no hofiko wonyo komo'no imo'nifitnnefoho.

<sup>2</sup> A'amu pi'ningo engoso nakwo Anituye a'amu ne'nwoho likuji hofiko hofikoe yahino kengo kengo wonyo somo un'ngkowantifeho. Oso a'amu hofiko yo'mayo wonyo yontife so'no a'amu nom'neso hofiko nuhwon'ngkuji Anituye a'amu nefoho syafisyikuji hofiko Anitu kakoe hungkuno ne'njo somne'no sitofo woselantifeho.

<sup>3</sup> Oso a'amu hwasyo hungkuno'njo hiso hofiko sekwoe hamniyoho so'no hi umo'n'ngkuhwoso'no hofiko sekwoe yo'mayo hamniyoho wosemano likuji sekumo hungkuno kengo kengo hwasyo woselantifeho. Oso'no hohonta Anitu kako oso a'amu hiso hofiko Anitu'nji hungkuno ikwolofikuji wonyo imo'nyo'ne sikuno ho'nahumentisoso weho. Oso'no Anitu kako timo mopeku'nohumuyoho. O'o, kako timo hontohumaho.

<sup>4</sup> A'amu ahwomomjo fehohnjo wonyo imentohofohohwamo Anitu kako hofikimo timo'nohini uhwon'mentiso'maho. O'o, kako hofikimo tikanomo uhumatimentiso sohwa

hofiko osopo sikwo'mjoho nihu'no wonyo so'mo  
humantifi oso sikuno Anitu'nji hofiko hungkuno  
ikwolofo'ne so'no hontohumalofo

<sup>5</sup> Hohonta hwe moya'mi hofiko Niwa'nji  
humamentohofosomo Niwa kako yahino  
wopingo so'no hungkuno yoloho ko  
lutiwhahoningki hofiko Anitumne'no hohujo  
ikinji'mo'mentohofosomo Anitu kako mijo  
ayo engo somo hungkuno ulahoningki oso  
mijo ayo engo huhwo sohwo hofikimo  
ifehu'mokosyahoningki oso a'amu hiso hofiko  
mijo meepolo'mentisofoho. Oso hohosohonta  
Niwa kako hwe wopingo'nohino sohwo'nji kakoe  
a'amu aho fehohnjo hopi'nonohini nom'ne  
mta'ni hufa'u oso a'amu hofiko yofayokinomo  
songo humamentohofofoho.

<sup>6</sup> Oso a'amu ango pone hufa'u Soutom'nji  
Ngkoumoulajo humamotofoso hofikoe  
honngkano wonyo somne'no ahwomo mta'ni  
Anitu kako oso ango hopo sopo tiposyo  
ho'nao'mentisoso hwakufo nimo'nimentisofoho.  
Oseso olohonta a'amu hofiko Anitumne'no  
hohujo ikinjaofwo'nngkohofoso hofiko oso  
ango hufa'u somne'no tohino mayoso'no  
huno uyihwoso'no hofiko Anitu'nji hungkuno  
ikwolofo so'ne sikuno somne'no iyoho unono.

<sup>7</sup> Oso ango hufa'u soponta'ango fihumo  
Anitu kako songo humayo'ne utima'mentisoso  
anga'nohino hweho. Kakoe yofeso Loutiyoho.

<sup>8</sup> Oso hwe wopingo Lout huhwo sohwo kako  
a'amu wonyofe yahino wonyo somne'no kakoe  
simeho tango engo uyimentisofoho.

<sup>9</sup> Oseso nakwo huno wonayono.



Anitu kako a'amu kakoe yahinomo tifi in'ngkawowo'n'ngkohoho somo yo'mayo tango u'mayo so'no ufo'mawo'n'ngkiso hweho. Oso'nji Anitu kako a'amu hon'ngkano wonyo'njo somo hungkuno ikwolofoso sohonta tohino nuyonefoho. Huno ose wonayono.

<sup>10</sup> A'amu fehohnjo hofiko Anituye hungkuno so'no ne anefoho syafisyikuji Anitumne'no hohujo ikinjaofikuji nakwo Anitumo enjwa'mo humayoso nakwolaho likuji yo'mayo wonyo hofikoe simeho umo'nyo somo in'ngkafijosomo a'amu homo somo Anitu kako tohino engo uyonefoho. Hofikoe tohinoso nom'ne somo yakolo'nnyofoho. Oso a'amu Anituye hungkuno hwasyo l'wo'n'ngkohofoso hofiko yokumpohn'nyo imo'nontifi hofikoe hunomnohini in'ngkawowo'n'ngkohofofoho. Oso'no hofiko a'amu ahwomomjo somne'no sitofo ujoso'no iyoho munyofoho.

<sup>11</sup> I oseso oso a'amu hwasyo hungkuno'njo somne'no a'amu ahwomomjoso hofikoe yokumpohn'nyo'nji yofe engo'nji yakolo'nnyo ko huhwa hofiko oso a'amu hwasyo hungkuno'njo huhwo sohwanne'no Anitumo sitofo mujo'ne hwafoho.

<sup>12</sup> Oso a'amu hwasyo hungkuno'njo wonyoso hofiko yo'mayo wonyo hofikoe simeho umo'nyo somo iwo'n'ngkohofofoho. Hofiko yahwohuno'njo hwafoho. Yo'mayo so'no hofiko huno nto'no mosyafisiyo'njo ifijoso hofiko oso hiso'no sitofo wolantifeho. Yahu kona'wohi mu meesyososo a'amu fonjasyontife pa'nyoso oso a'amu homo somo Anitu kako ose imokonefoho.

13 Hofiko nom'ne a'amu somo tango engo uy'wo'n'ngkohoho so'no hofiko tango engo womantifeho. Hofiko wonimango munyo'njo yo'mayo wonyo hofikoe simeho umo'nyoso utihwa'nyopo iwo'n'ngkohofofoho. Ose yontifi hofiko simonyo iwo'n'ngkohofofoho. Ole seliwo'n'ngkohofi, Nakwo ho'nwi Anituye a'amu ne'nwoho selontifi sekwo Anitumne'no uhu'mokuwo'n'ngkohoho sohonta a'amu hiso'nji sekwo ifohutn'nyo sopo swo'nontifi oso a'amuso hofikoe yahino wonyoso hwapife halojo sopo kiho lopisyao fisyo pa'nyo'njo hwafoho.

14 Hofikoe yahinoso olenoho. Hofiko ape hwa'ntesimo uhwonano liwo'n'ngkohofofoho. Hofikoe hon'ngkano wonyo somne'no in'ngkayo'ne mijoho uy'wo'n'ngkisofoho. Oso hiso hofikoe simeho somo simeho muhnn'wo'n'ngkisofoho. Oso a'amu hiso hofiko a'amu nom'ne Anituye hungkunomo aho yokumpohn'nyo nto'no mokemokosyohumawo'n'ngkoho yohoho somo afofo hungkuno ulontifi hwasyo hon'ngkanomo in'ngkayo'ne ipemotawowo'n'ngkohofofoho. Hofiko nom'ne a'amufe yo'mayo so'no hi umo'n'wo'n'ngkisofoho. Oso a'amu homo somo Anitu kako wae yaofonefoho.

15 Hofiko hon'ngkano nto'nohino somo hohujo ikinjaofontifi hofiko olopole nonje nonje ilohofom'wo'n'ngkohofofoho. Hofiko oso hwe hohon-tajo Mpeyouye hwomu Mpelam sohwo kako ham-niyoho engo mayo'ne yahino wonyo imentiso oso pa'nyofoho.

16 Yahu *toungkiso* a'mohungkunoso

mal'iwo'n'ingko ho yohoho. I oso'no Mpelamiye yahu *toungki* fi hwo kako Mpelamiye hon'ingkanono wonyo somne'no wop'ijwahumonto oso yahu huhwo sohomo Anitu a'mohungkuno kakoe hunomo ho'n'isyahon'ingki oso yahu sohwo kako Mpelammo yoka ul'imentisofoho. Oso'no yahu huhwo sohwo kako a'mohungkuno'nji Mpelamiye yahino wonyo somo p'ijwahumentisofoho.

17 Oso a'amu Anituye hungkuno hwasyo lut'ihwawo'n'ingkohofoso hofiko mijilimno somo jefo yonto sa'n'iwo'n'ingki so pa'nyofoho. Oso a'amu hwasyo hungkuno'njoso hofiko oso humeengo engo saponte somo ifofo yokumpohn'nyo engoso ponto mt'ihupo'meefiwo'n'ingki so pa'nyofoho. Oso a'amu hisomne'no Anitu kako hofiko ango n'ihu'no sikwo'mjoho so'mo humafitne'ento sokafo esyohumaho.

18 Oso a'amu hiso hofiko hofikoe yo'mayo wonyo iwo'n'ingkohofoso somne'no hofiko hofikoe yofe ho'noma'n'iwo'n'ingkohofofoho. Hofiko n'ihu'no huno anefoho. Hofiko nom'ne a'amu wonyo hon'ingkanomo kahopi ho'nosyalokwofo oso a'amu somo hofiko afofo hungkuno ulontifi hofiko oso a'amu homo somo hon'ingkanono wonyo somo ne'no apa'no asomo ipemotowalokwofo. Ole lut'ihwawo'n'ingkohofi, Yo'mayo wonyoso jije simeho kumo'n'ingki so somo noho fiyo. Ose ulahon'ingkohofi a'amu hiso hofikimo tifi in'ingkowalokwofo.

19 Oso a'amu hwasyo hungkuno'njoso hofiko ole lut'ihwawo'n'ingkohofi, Yo'mayo wonyoso

sekwo sekwoe simeho semo'noso'manji u sekwoe syohofoho. Sekwo hon'ingkano hungkuno somo enjwa'mo humayoso peho'neto. Sekwo yahinoso nom'ne a'amu semokosyohumunyo ku'maho. O'o, sekwo kongkaku mokosyohumunyo kuyoho. Ose ko ulahon'ingkofi hofikoe yahino wonyo so'nji hwasyo hungkuno so'nji hofikimo aho yokumpohn'nyo kemokosyohumunyofoho. Hofiko yahino wonyofe syoho ulohofiyofoho.

<sup>20</sup> A'amu fiso hofiko Jisas Kilais kako hofikoe wonyomne'no poyo imo'n'imentiso so'no hofiko oso hungkunoso mupa'n'immentohofoso hofiko wonyo we'e humalofo. I oso'no a'amu fiso hofiko hofikoe wonyo hon'ingkano somo hohujo ikinjaofikuji osopo hofiko hon'ingkano wonyoso nto ho'naopijoso apa'no nomafikuji aho yokumpohn'nyo kemokosyohumafijo'manji oso hohosohonta hofikoe fosyohumayo somo Anitu kako hofikimo ni'hu'no wonyo fosyohumentan'ingkuji uhwon'imontonoho.

<sup>21</sup> Oso a'amu hiso hofiko hon'ingkano wonyo ni'hu'nahone nto ho'nao'mentohofoso apa'no ma'mentohofoso hofikimo Anitu kakoe hungkunoso hofikimo mu'maso'njo yontentesi hofiko wopingo humafikutnnesohilo. I oso'no hofiko Anituye hon'ingkano wopingo somne'no huno wopingo tipema'mentohofoho homo somo hofiko aku hohujo ikinjao'mentohofoho so'no hofiko tohino mikun'imposo engo womantifeho.

<sup>22</sup> A'amu Anituye hungkunomo upa'nontifi hungkuno homo somo hwotoho hmentohofoso

hofikimne'no oso hungkuno oso siwojo yahu yahino'njofoho. Oseso nehopi liwo'n'ingkohoho. Siwojo kakoe yahinoso hwolaho mjasyihwosi apa'no woman+montonoho. Yahu sohwa mno nto ijontife somo apa'no wentifi ijwo'n'ingkafo pa'nyofoho. Oso a'amuso hofiko Anituye hon'ingkanomo tifi we'enehwo in'ingkawentifi osopo hofiko Anitumne'no hohujo ikinjaofwo'n'ingkohofoso hofiko siwojo yahu osohwafe yahino'njofoho.

### 3

*Nehopi'nohini nakwoe Hwe Engo sohwo kako asomo noponefoho.*

<sup>1</sup> Nje a'amu soku olo iyoswo hufa'uyo mt'i'mokalokwe loso iyoswo simo'mjo so'nji olo t'finjo lo'nji hungkuno wop'ingo nto upa'n'imentohoho so'no sekwo huno aku syafisiyo'ne semti'mokiyalokweno.

<sup>2</sup> Hungkuno hiso olenoho. Hohonta Anitu kakoe a'amumo hungkuno uyahon'ingki hofiko mt'i'mokumentohoho sohwa hofiko yo'mayo tifi no'mo imo'none so'no mt'i'mokumentohofofoho. Sekwo oso hungkuno so'nji nom'ne hungkuno nakwoe Hwe Engo Kilais kako nakwoe wonyomne'no poyo imo'n'imentiso sohwo kakoe hungkuno liku'mofo (*apousel*) syoho'njo sohwna'nta'ni upa'n'imentohoho so'ntnne'no sekwo huno nto'no fisyafihupmno.

<sup>3</sup> Simo'mo sekwo huno olo so'no huno waseyono. We'enepi sikuno ae'uyoso moi'wo umo'n'imo lihwosi yoso sohonta

a'amu fehohnjoso hofiko yo'mayo hofikoe hunoso umo lonto yahonjo somo hofiko tifi in'ngkawowo'n'ngkohofoso hofiko sekumne'no sitofu woselantifeho.

<sup>4</sup> Hofiko sekumo ole woselantifeho. Sekwoe Hwe Engo sohwo kako sekumo ole selimentisotaho. Hwangku ngko asomo wapmmnonho. Ose selimentisotaho. I kako nti'mo humaho. Nakwo kakimo muhwonyofoho. Kako sekuyepono asomo maponehoho. Anitu hohonta yo'mayo mti'mokumentiso sohonta yo'mayo imo'nimentisoso ne'no wo'mopontan'ngki nakwoe ajuyohwosa hofiko nohumamopontifi pe'nimentohofu somta'angoso olohonta oso yo'mayoso ne'no weho. Oso pa'nyoso ne'no nowentihwonefoho. Sekwoe Hwe Engo sohwo kako maponehoho. Hofiko sitofu ose woselantifeho.

<sup>5</sup> Hofiko olo hungkuno anga'nohino losomo simeho hi'ntnnono uyoso nakwolaho lalokwofo. Hohonta Anitu kako hungkuno'nohini lahon'ngki hwaho'nji ahwomo'nji imo'nimentisofoho. Oso hwaho hiso mijo ajwopo wo'mentisofoho. Mijo fehohnjoso yokintahopo ho'nahumentisoso fehohnjoso hwaho lopo wo'mentisofoho.

<sup>6</sup> Oseso sikuno nom'ne somo Anitu kako lahon'ngki mijo oso hwaho somo ifehu'mokosyahon'ngki a'amu hopi'nono wonyo humamotofoso mijo mapolo'mentono.

<sup>7</sup> Oso pa'nyoso tifi no'mo Anitu lahon'ngkuhwosi olo hwaho lo'nji ahwomo'nji uhwon'wo'n'ngkuhwone somo Anitu

lihwoso'no toho nonasyonefoho. Oso hohosohonta a'amu hofi'ko Anitumne'no hohujo ikinjaofiwo'n'ingkohoho somne'no oso Sikuno Engo Anitu'nji hofi'koe wonyo so'ne hungkuno ikwolopitnnefoho. Oso hiso'no Anitu kako hontohumaho. Oso hungkuno homo somo a'amu sitofo'njo huhwo sohwa hofi'ko simeho hi'ntnnono muyo'njo hwafoho.

<sup>8</sup> Nje a'amu soku sekwo olo hilo so'no huno nosyafisyikutoho. Anitu kako hontohumayo ne'nohinoso peho'neto. O'o, sekwo huno olo so'no fisyafi'hupmno. Anitu kako huno syafisyonteso sikuno anga'nohinoso soswo *wan tausen* (1,000) pa'nyofoho. U soswo *wan tausen*iso (1,000) sikuno anga'nohino pa'nyofoho. Nakwo sikuno so'ne atofoliwo'n'ingkuhwone hopaso Anitu kako oso sikuno so'ne atofomajofoho.

<sup>9</sup> Nakwoe Hwe Engo Anitu sohwo kako ole limentiso, U ngko yo'mayoso umonnoho limentisoso uyimontonoho. A'amu fehohnjoso hofi'ko huno ole syofisyalokwofo. Anitu kako oso hungkuno limentisoso iningo mofalofoho. O'o, kako iningo mamofonehoho. I oso'no Anitu kako huno ole syofisyalofoho. A'amu anga'nohino fihwo kako tikanomo uyoso'no ni'hu'no wonyofoho. Ose lonto ole lalofi, a'amu hopi'nonohinoso hofi'koe honingkano wonyo somo hohujo ikinjaofikuji ngkine'no simeho hi'ntnnono yiwolo'mokukuji wontapife. Anitu kako huno ose syafisyonto kako a'amu honingkano wonyo'njo somne'no hontohumaho.

*Olo hwaho lo'nji ahwomo lo'nji moi'wo imo'nonefoho.*

<sup>10</sup> Oseso a'amu hufo uyantife piwo'n'ingkohoho hopaso nakwoe Hwe Engo sohwo kakoe si'kuno asomo pe-e'neso oso pa'nyofoho. Oso si'kuno homo somo ahwomo engo nolihwoso'no ahwomo hiso moi'wo umo'n'imontonoho. Oso hosohonta hntokwaliyo so'nji hamno mofehi'nyo nakwoe hwaho yo'mayo so'nji toho moi'wo nonefoho.

<sup>11</sup> Hwangku oso yo'mayo i'mofapone so'no sekwo huno syafisyikuji olohonta sekwoe humayoso pipi wehumantifito. Sekwo hon'ingkano wopingo'nohini ikuji Anituye yahino wopingomnohini nto'no fin'ingkakuno.

<sup>12</sup> Ose ikuji sekwo Anituye Si'kuno Engo so'no fohontohumamno. Sekwo Anitu kakoe syohoso yokumpohn'nyo ifijo'manji kako komo'no wapmmontonoho. Oso si'kuno homo somo yo'mayo ahwomomjo somo toho n'ingkuhwoso'no sojo hwaho yo'mayoso afofo mijo pa'nyo imo'nonefoho.

<sup>13</sup> Hohonta Anitu kako ole nalimento, Ahwomo'nji hwaho'nji moi'wo imo'noso sohonta ngko ahwomo songo'nji hwaho songo'nji mt'i'mokumnefoho. Oso hopo sopo a'amu hofiko yahino wopingo'njosu mapitnnefoho. Anitu ose nalimentiso so'no nakwo oso hiso'no hontohumalohwono.

*Nakwo nakwoe humayoso nto'no ehumehwasi nakwoe Hwe Engo sohumne'no wohontohumano.*

<sup>14</sup> Oseso nje a'amu soku sekwo yo'mayo yahino wonyo somo ni'hu'nahone ho'naofikuji yahino



wopɪŋgo'nohini iyoso'no syoho engo ikuji oso sɪkuno engo somne'no fohontohumamno. Ose ifijo so'no Anɪtu kako sekumo tɪmo wonyo masehononehoho. O'o, sekwo kako'nji sɪmeho afa unantɪfeho.

<sup>15</sup> Jisas kako asomo komo'no mape'njo peho'no yalofoho. Hwapɪŋgoso kako nom'ne a'amu hofɪkoe honɪŋkano wonyo somo hohujo ikinjaofɪkuji ngkimo tɪfi wonnɪŋkapɪfento hontohumaho. Olo hungkuno ngko semtɪ'mokiyalokwe hiloso Anɪtu kako nenɪŋkwa'wehwo Poul huhumo uyahonɪŋki kako huhwonji sekune'no iyoswo mtɪ'mokumentisofoho.

<sup>16</sup> U yo'mayo iyoswo Poul mtɪ'mokuwo'nɪŋkisoso kako sɪkuno ae'uyo yo'mayo somne'no mtɪ'mokuwo'nɪŋkisofoho. Hungkuno fehohnjo mtɪ'mokonteso yoloho ne tɪpemayo'ne'entani syoho engo iwo'nɪŋkuhwonefoho. I oso'no a'amu huno aneso Anɪtuye hungkunomo hofɪko aho yokumpohn'nyo mokemokosyohumayo'njo hofɪkoe hwasyo hunoso iwo'nɪŋkohofoso hofɪko Pouliye hungkuno yoloho neso huno muyahonɪŋki hwasyo lutɪhwawo'nɪŋkohofofoho. Pouliye hungkuno'nohinɪ'maho. O'o, nom'ne hungkuno Anɪtuye iyoswo mta'ango hi yoloho neso hwasyo lutɪhwawo'nɪŋkohofofoho. Oso'no hofɪko tohino engo notɪpemapitnnefoho.

<sup>17</sup> Nje a'amu soku, sekwo oso a'amu Anɪtuye hungkuno hwasyo lutɪhwamojo so'no huno nto seyohoho. Oseso sekwo oso a'amu somne'no

i'waho nto'no fiyimno. Oso a'amu Anituye hungkuno hwasyo losetihwawo'n'ingkohofoso hofiko sekumo honingkano hwasyomo ipesemotafitnnoho. Sekwo nopiwahupitnnoho.

<sup>18</sup> Sekwo nakwoe Hwe Engo Jisas Kilais kako nakwoe wonyomne'no poyo imo'n'imentiso sohune'no sekwo kakine'no simeho hi'ntnnono uyalokwofo soku sekwoe simeho pompenjiyo uyoso engo umo'nono. Sekwo kakoe yahino wopingo somne'no sekwo huno engo fitipemapmno. Nakwoe Hwe Engo Jisas kakoe yofeso engolopohamo ne'no noho'nomehwanefoho. Nje hungkuno osohopeho. Ngko Pita'ni selohono. Nehopeho.

**Mpohwoe Hungkuno Songofoho  
The New Testament and Genesis in the Safeyoka  
(Ampeeli-Wojokeso) language of Papua New Guinea  
Buk Stat na Nupela Testamen long tokples Safeyoka  
long Niugini**

copyright © 1988 Wycliffe Bible Translators, Inc.

Language: Ampeeli-Wojokeso (Safeyoka)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2011-12-15

---

PDF generated using Haiola and XeLaTeX on 28 Dec 2024 from source files dated 31 Aug 2023

f526da1e-a607-571c-ba86-56367d7583f3